



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 813. Usque Ad Annum 859

**Fleury, Claude**

**August. Vind. [u.a.], 1760**

**VD18 90117867**

§. 34. Papa Catholicos confirmat.

---

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX. A. C. 817. peratorem, pari libertate locutus est. Imperator primum Viri virtutes reverentus dissimulavit, eoque ad se vocato, longos sermones miscuit; sed, constantissimum expertus, eum & fratrem ipsius Theophanem flagellis cædi jubet, mittitque ad Ponti Euxini ostia, editis mandatis, ne quis iis aut cibum aut operimentum daret. Verum Leone Imperatore brevi postea e vivis sublatis non diu ibi manserunt. Unde conjectura est, ipsos ante annum 820. Constantinopolim non venisse.

## §. XXXIV.

*Papa Catholicos confirmat.*

Theodotus Patriarcha Constantinopolitanus suo nomine Paschali Papæ scripsit, misitque Apocrisarios, quibus Papa adhuc longe distantibus nunciari jussit, ne in conspectum suum venirent. Ob hoc factum gratias egit Pontifici S. Theodorus Studita, data Epistola, in qua dicit: *Vos igitur illimis ac sincerus ab initio fons orthodoxæ veritatis, Vos adversum omnem Hæreticam procellam tranquillus sepositus portus, Vos a Deo electa Civitas refugii & Salutis.* Hanc Epistolam Epiphanio discipulo suo defendendam tradidit, adjecitque aliam ad Methodium Nicephori Patriarchæ Romæ Apocrisarium. Erat Methodius natione

ep. 15.

vit. ap. Boll.  
10. Jun.  
p. 962.



ne Sículus, natus Syracusis parentibus Sæculum IX.  
nobilitate & opulentia spectatissimis. A. C. 817.

Puer Grammaticam didicit, historiam,  
& artem scribendi Notis. Cum ad æta-  
tem virilem pervenisset, Constantinopo-  
lim se contulit cum magna pecuniæ vi-  
munia & Dignitates cogitans, quas con-  
secutus in Aula splendide viveret. Ta-  
lia mente volventi quidam Sanctus Mo-  
nachus, cui sua crediderat consilia, sua-  
sit, ut potius Bona æterna sectaretur, ei-  
que obsecutus Methodius in Monasterio,  
quod vulgo *Chenolac* appellabant, a S.  
Stephano sub Leone Isauro fundato, Mo-  
nachum professus est. Itaque Legatio Boll. 14.  
nem Romanam haud gravate in se susce- Jan. p. 976.  
pit, quo persecutionem Leonis Armeni  
effugeret; nihil vero eorum, quæ ad ob-  
servantiam Monasticam pertinent, in hac  
profectione omisit.

Paschalis Papa missis Legatis, datis-  
que Epistolis, quibus Imaginum causam  
fulciret, nihil effecit, nisi quod Catholi-  
cis animos addiderit, cum cernerent,  
primam Ecclesiæ Sedem Doctrinæ suæ  
suffragari. Ceterum Papa Romæ S. Pra-  
xedis Ecclesia, quæ ruinam minabatur,  
reparata, & multis Sanctorum corpori-  
bus ex collapsis & desertis Cæmeteriis  
in eam translatis, ibidem fundavit Mo-  
nasterium Græcorum, ubi diu noctuque  
Officium Divinum patria lingua canta-  
bant.



Sæculum IX.  
A. C. 818. bant. Istud Monasterium illorum in pri-  
mis bono conditum creditur, qui perse-  
cutionem fugientes Romam recurre-  
bant.

Pontifex huic Monasterio Reditus  
sufficientes partim ex agris, partim ex  
domibus contulit, Ecclesiam S. Praxedis  
magnifice ornavit, & Ciborium seu Um-  
braculum ex argento octingentarum li-  
brarum super Altare obtulit.

## §. XXXV.

*Bernardi Regis Italiae seditio.*

*Eginh. an.*  
*817. 818.* Inter hæc Bernardus Rex Italiae, indi-  
gnans, quod Lotharius coronatus fuis-  
set Imperator, a Ludovico Imperatore  
*Astronom.* Patruo suo deficere ausus est. Cum  
*Theg. c. 22.* vero Ludovicus collecto promptissime  
*23. 24.* exercitu in eum movisset, seditiosis in  
*Chro. Moiss.* diversa sparsis, Bernardus cum consociis  
*817.* sui deditionem fecit. Id anno octingen-  
tesimo decimo septimo contigit. Anno  
autem sequente Aquisgrani iudicio in  
eos actum est, & quamvis Francorum  
*Coint. an.* Conventus eos dignos mortis pronun-  
*818. n. 5.* ciaisset, Imperatori satis poenæ visum, si  
reis oculi eruerentur. Ex hoc cruciatu  
Bernardus post elapsum triduum extin-  
ctus est, postquam regnasset annis qua-  
tuor & mensibus quinque, ex quo eum  
Carolus Magnus Avus suus Regem de-  
clarasset. Episcopi tres ipsius seditione  
impli-